

广西气候史料

(内部资料)

广西壮族自治区第二图书馆编印

一九七八年七月

目 录

广西全区.....	(1)
南宁地区.....	(4)
河池地区.....	(15)
柳州地区.....	(18)
桂林地区.....	(24)
梧州地区.....	(33)
玉林地区.....	(39)
钦州地区.....	(45)
百色地区.....	(56)

广西气候史料

广西全区

岭表山川，盘郁气聚，不易疏泄，故多岚雾作瘴，人感之多病，牖胀成蛊。……

唐·刘恂《岭表录异》

四瘴之外，又有曰桂花菊花者，四时不绝，而春冬尤甚。唐人谚云：“青草黄茅瘴，不死成和尚。”滇闽皆有瘴，然春尽乃发，秋高而止，未闻贯四时也。

明·谢肇淛《百粤风土记》

四瘴，春曰青草，夏曰黄梅，秋曰新禾，冬曰黄茅，皆乘草木蓊勃，日气薰蒸所成，而青草黄梅最毒烈。春夏之交草长而青，秋冬之交草衰而黄，二时气候不常，蕴隆重衿，腊月挥扇，咄嗟呼吸，冬夏便分。……

明·邝露《赤雅》

土疏阳泄，久晴易热，虽盛夏隆冬，景象辄变。

清·雍正《广西通志》

杜诗云：“五岭皆炎热，宜人独桂林。”以风高无瘴也。下至平乐、梧州，及左右江，瘴气弥盛，早起氤氲咫尺不相见，非至巳，不见山也。其瘴，春曰青草，夏曰黄梅，秋曰新禾，冬曰黄茅。又有曰桂花菊花者，四时不绝，而春冬尤甚。唐人谚云：“青草黄茅瘴，不死成和尚”。滇闽皆有瘴，然春尽乃发，秋高而止，未闻贯四时也……

清·闵叙《粤述》

晁错曰：“扬粤之地，冬阴少阳”。李待制曰：“南方地卑而土薄。”土薄故阳气常泄，地卑故阴气常盛，阳气泄故四时常花，三冬不雪。一岁之暑热过中，人居其间，气多上壅，肤多汗出，腠理不密，盖阳不反本而然。阴气盛，故晨昏多雾，春夏雨淫，一岁之间，蒸湿过半，盛夏连雨，即复凄寒，衣服皆生白醭，人多中湿，肢体重倦，多脚气等疾。盖阴常盛而然。阴阳之气既偏而相搏，故一日之内，气候屡变。谚曰：“四时皆似夏，一雨便成秋”。……

清·闵叙《粤述》

天气炎蒸，地气卑湿，结为瘴疠，为害不小，有形者如云霞、如浓雾，无形者或腥风四射，或异香袭人。……夏月烁膏流金，挥汗如雨。

清·陆祚蕃《粤西偶记》

粤无冰，其民罕知有冰合解冻之说，岁有微霜，则百物蕃盛。冰生于霜，粤无冰，以无霜也。故语曰：“岭南无地著秋霜”，即有微霜，辄以为雪；或有微雪，即以为冰。人至白首，有冰雪不辨者。大抵岭南地暖，阴气不凝，故霜雪独少，或极寒亦有微霰，然未至地已复为雨矣。

清·嘉庆《广西通志》引李志

龚茂良诗：“日中常有四时天。”言一日所经气候顿殊，盖层峦四塞，川谷异限，有不可一律齐者，而昼热晚凉，夜寒，则不甚相远也。

清·嘉庆《广西通志》引李志

广西之气候，因南北及土地高低而大异。南部入热带，炎热潮湿，尤以五月至九月之间为最。北部反之，颇为中和，然冬季温度大降，冰雪甚多。而南部中之高地，冬期亦每降至冰点以下，山巅屡见积雪。

民35《融县志》

广西位置在一百零五度经线，定为陇蜀时区，又列为全国雨量带中之平雨带；盖山脉海洋均足为气候之枢。我国沿海七省，水气浓厚，雨量充足，且闽粤二省

之海岸线东海以迄南海，连入热带洋面，湿热俱浓，得海洋性者独厚，春夏之交，雨水甚足，素有多雨带之称。广西距海甚远，地势高亢，且东南有勾漏、都阳、越城、萌渚诸大山相隔阂，洋海水气，虽有各季节之恒风所输送，可以兴云布雨，但雨量亦稍减，故每年雨量，全省统计最多自一千毫至二千毫。

民35《融县志》

湿度之高低以地势卑亢、雨量多寡为标准。广西位置甚高，西南部联近热带，春夏两季，湿度较高，东北、西北两部之湿度，在春夏二季稍高，一入秋冬，则气候清爽，温度低减。

民35《融县志》

广西居东经一百零四度三十余分至一百一十一度五十余分，北纬二十一度三十余分至二六度十余分之间，地势西北高，迤东南而渐低，北境天气温和属北温带气候，南部炎热，空气潮湿，属亚热带气候，“四时皆是夏，一雨便成秋”，及“草经冬而不枯，花非春而亦放”，两语不啻形容广西气候之梗概。本省西南及南部近海，余与大陆相接，夏季潮湿之季候风由海洋吹入内陆，冬季寒冷干燥之季候风由西北吹入海洋，因有山岭阻隔，冬季不受西北风影响，而过于严寒，夏季得西南风之调剂，虽位居亚热带亦不致过于酷热，故本省气候可称为海洋性气候。……

民38《广西通志稿》

广西位居南部，雨量自较北部中部为多，计平均年达一四九〇点三公厘，其在季节上之分配，以夏半年即四月至九月为最多，占全年总量百分之七七点三，六月达最高峰，占全年总量之一七点九，八月次之，占全总量百分之一四点七，冬半年即十月至三月较少，仅占全年总量百分之二二点七，正月为最低，只占全年总量百分之二点五。

民38《广西通志稿》

南 宁 地 区

明·汤显祖送袁生谒南宁郡守诗：“白发孤游铜柱西，瘴来江影似虹霓，千山落月无人语，榕树肖肖倒挂啼。”

清·嘉庆《广西通志》

南宁隶四州四邑（按：康熙府志为三州三邑），皆阻山带川，地势各偏，惟郡治开明爽燥，每岁正月雨水候多雨，三、四月迨雨时作，溪潦盈溢，夏至候稍止，冬候阴晴不常，或云封山巅，雨即旋至，此一年雨暘之大概也。若春初至芒种前，天气和煦，夹服视雨暘为节；芒种候渐热，炎蒸烦毒，多在三伏之天，至霜降风气始肃，冬不甚寒，大抵地近炎荒，而寒暑因之，若瘴疠则郡郭绝无，与上思、武缘、隆安、果化、归德诸州邑，殆有间矣。（按：康熙府志为“瘴疠多有，唯郡郭独无，外州邑则有间矣”）。

明·嘉靖《南宁府志》

宣化县（南宁）地势爽燥，瘴疠绝少，春初至小满，天气和煦，芒种后渐热，三伏薰蒸则盛至，霜降气始肃，冬不甚寒，每岁大概雨水后多雨，三、四月暴雨时作，夏至后稍止，冬日阴晴不常，云封山岭雨即至。

清·道光增乾隆《南宁府志》

南宁府原隰平旷，两江环流，暮冬气候，暖若三春，桃李乱开，蝮蛇不蛰，日晴迨热则温，雾如汤溅人衣。

清·道光增乾隆《南府志宁》

（按：嘉庆《广西通志》著录同）

邕宁气候，颇称温和，降雪甚少。雨量亦尚调匀。

民24《邕宁一览》

邕宁县境跨北纬二十二度，位于热带，而地近南海，海上清风自瀛海飘至，调节燥湿，夏无酷暑，冬无沍寒，地学家名曰大洋气候带。寒暑表最高至华氏九十七度，最低至三十八度。

民26《邕宁县志》

邕宁县境距南海三百里而近，当夏季日行北陆，则北陆之气热，南海之气冷。自二月至九月，相搏而为东南风。冬季日行南陆，则北陆之气冷，南陆之气热。自十月至正月，相搏而为东北风。是皆为信风。信风更半年而转掇，势相激荡，而为暴风。暴风起于北纬十二度至二十三度间。而县境适当其域，时在春秋分之前后。

民26《邕宁县志》

邕宁县境接壤南海，海上之风，挟水气而至，易蒸腾而为雨。又以地当南海之西，得东风传送水气，无大山以阻之，东风一发，降雨为独多。故谚云：“一日东风三日雨。”……

民26《邕宁县志》

横州地兼郁合域，总荆扬，凡岭海边南之地，而阳气常胜，惟岚雾郁蒸，寒燠相搏，四乡间瘴疠时或有之，城郭平夷开朗，其患罕见。

明·嘉靖《南宁府志》

（按：康熙府志著录同）

永淳县（横县）地势平旷，无崇山幽壑，茂竹丛林，其气候差善，惟晨多雾气，隆冬无雪。

清·道光增补乾隆《南宁府志》

明·潘希曾横州道中见日光志喜诗：“苍梧南来一千里，扁舟牵挽穹山水。蛮烟瘴雨动浹旬，长昼冥冥无午已。仆夫泥涂蓑作衣，青蕉裹饭不疗饥。肖条行李润生醲，寂寞炊灶寒无辉。愁予兀坐蓬窗下，忽睹阳光射云罅。千林生色岚雾开，须臾变幻疑昏夜。人言此方风土乖，冬雨苦久晴颇佳。乍晴不堪还乍热，郁蒸厉气生阴厓。我望青天再下拜，太阳高照元无外。蕞尔遐荒特可怜，复盆何碍

乾坤大。”

清·嘉庆《广西通志》

武缘县（武鸣）去滨海炎燠之地略为近西，故阳气常泄，桃李冬花，有霜无雪，间见一岁者为米雪，非六出之奇。昌热居多，或天晴则燠，至阴雨便寒，故瘴疠多而人病疟，村落中枕藉，山溪尤甚。邑中土壤平旷，气得舒泄，颇少其患。

明·嘉靖《南宁府志》

武鸣诸花皆早开，五谷独后熟，村氓（按：氓，田民也，意即村民或农民）三月始播种，四月始犁田，乘时奔忙，妇女偕作，急耕急蒔，一月毕工，九、十月谷始熟，谷实少精液，花气少芬馥，蔬菜少滋味，盖土气瘠薄，韩愈所谓“冬寒不严地恒泄，阳气发乱无全功”也。湿气浸淫，常生白蚁，晴雨不时，气候易变，乍寒乍燠，调护为难。……

清·乾隆《武缘县志》

思恩府（武鸣）恒燠少寒，瘴疠时作，府治平衍，为患犹鲜。武缘治山水多有清旷处，气候差别，其余村圩，皆层峦叠嶂，晨昏岚雾，日中始辨阴晴，寒暑不和，四时如一，但逢阴雨，虽夏亦秋，偶值晴暄，虽冬犹夏。

清·道光《武缘县志》录《思恩府志》

（按：《思恩府志》我馆缺藏，出版时代不详。）

宾州（宾阳）无大江以泄水气，民居皆沮洳卑湿，层峦蒸雾，雨甚即寒，入冬犹热。

清·嘉庆《广西通志》录《宾州志》

（按此“宾州志”版本不详）

宾阳地居赤道二十三度一分至二十六分，距温带四分，尚在热道内，故每年除十一、十二、一等三个月寒多热少外，余则少寒多热。然地处万山间，一日之内常早温昼热晚凉夜寒，其气候之不齐，调摄亦至不易。语曰：“三冬皆如夏，一雨便成秋”。

风向，夏多南风，冬多北风，入春以后，南风多晴，冬则反是。又无论何时，如遇东风，多主有雨。一年之中，雨水多调匀。霜降后晴，夜则有霜。春夏晴，夜则有露。春夏之交，宿雨初晴，朝多有雾，惟雪则罕见。

瘴气在昔人烟稀少，或有如陈孚诗云：“昨日路过大林关，酸烟毒雾山复山”者，今则深山穹谷，尽是人烟，雉兔刍蕘，布满山径，人迹所到，瘴疠全消，现宾地已少毒瘴矣。

民35《宾阳县志》

宾阳民国三十一年（1942）的天气以雨天为最多，凡一百二十三日，其次为晴天，凡八十九日，雷雨天为最少，凡九日。至晴云阴雨及雷雨在各月份占日数最多者如下：晴为九月，凡二十五日，云为十一月，凡十六日，阴为二月，凡十二日，雨为七月，凡十七日，雷雨为五月，凡五日。

民35《宾阳县志》

宾阳温度，民国三十一年（1942）最高为七月，摄氏为三一·五度，最低者为一月，为六度。各月份温度平均最高者为七月，凡二八·九七度，最低者为十二月，凡一二·七度。

民35《宾阳县志》

宾阳雨量，民国三十一年（1942）最多者为十月，其雨量总数为二〇〇·七公厘，次为六月，雨量总数为一八二公厘，又其次为五月，雨量总数为一七四·四公厘，是年雨量最少者为九月，其雨量总数为六公厘，次为十一月，雨量总数为七公厘，又其次为一月，雨量总数为七·四公厘。

民35《宾阳县志》

宾阳的风向及风力。民国三十一年（1942）的风向，全年东南风为最多，凡一百二十五日，其次为北风，凡八十五日，东北风凡五十八日，南风凡四十六日，西北风凡三十九日，东风凡十一日，西南风凡十日，西风最少，凡一日。又春夏雨季，多为东南风，秋季多为西北风，冬季多为北风。至于风力，最大者为一月，达五级，最小者为五月，列二级。……

民35《宾阳县志》

上林素称瘴地，城市略轻。

清·嘉庆《广西通志》录《上林县册》

(按：《上林县册》我馆缺藏，出版时代不详)

上林多风之时，每届春夏之交，其原因盖由地处高原，春末夏初，日光射在南半球上，当直射时，陆地热度增于海面，其海上之冷空气益向陆地而来。上林南面距海直径不过二百余里，又无高山为之屏蔽，以故冷空气从东南隅平铺垒涌而至，迂热空气旋转其中，一时不能上升，遂至互相搏击，势猛如虎，甚或屋瓦揭起，拔木扬沙。……至于雨量多于他处之故，其原因则由四境多山，凡水气变成之雾，在高处渐积渐重，合而成云，停留空中，被风吹荡，并聚明山，西峙连峰，不断为其所阻，一迁冷气凝结，遂成大小雨点向下坠落，所以虽在冬令，亦必连月经旬，始开霁放晴。……

民 2 3 《上林县志》

上林县紧贴明山，入春多雨，雾气甚重，冬季寒度较邻县为低。高峰之半，时有积雪，昔人谓：“岭南无地著秋霜，”惟上林则殊不尔，因夏夜既无余热，故当三伏之际，亦必拥衾而卧，非若他处之挥扇不已，犹弗能安枕成眠也。……

民 2 3 《上林县志》

上林县境寒热度随地不同，邹圩最热，思陇稍寒，附城一带以华氏计自夏至迄大暑，值久旱欲雨之日，则高至九十四五度，平时多在六十八九度或七十五度之间；霜降后热度渐杀，寒度从平时五十二度递减而下，届小寒大寒极冷时，则竟降至三十八度，其处山居谷者，虽鸡犬之声相闻，而气候乃彼此互异……

民 2 3 《上林县志》

白山（马山）气候，大约不外通志“阳气泄，阴气盛”二语，而亦微有不尽然者，诸花先时而开，独桂至八月、菊至九月始放。山岚虽盛侵晨，日出岚气即消，不待日中始辨，盖其先，草昧初开，人烟稀少，山气得以乘人之虐，迄今百余年，户口繁滋，草莱日辟，沙域毒蛇，尽皆远徙，人气盛则地气自平也。其不能平者，惟阴晦之际，岚气迷漫，充塞庭院，出入窗牖，人物如在云雾中，起居

偶不慎，即染瘴毒，或寒战、或失声、或烧热发狂。……其瘴有四，春曰青草，夏曰黄梅，秋曰新禾，冬曰黄茅，皆四时不正之气，而青草黄茅为尤毒烈。……

清·道光《白山司志》

隆山（马山）位于北纬二三度二四度之间，居东经一〇八度至一〇九度，是居于温带而偏于热带之确证，因此，气候多热，但以东北各乡，石山丛错，一遇大雨，则气候阴冻，有“四时皆是夏，一雨便成秋”之谚。长年之间，至十月始见微霜，十一、二月天或霏雪，……四时有花，草多长青，……中、西、南各乡，其地面多宽，山多平坡，谷无幽谷，东北诸乡，则山皆高峰，谷多岩谷，易藏聚风气，故每当冬季，中、西、南之寒度不如东北之高也……每届春夏，气温甚高，凡地面之器物，一遇天雨，不过十日，辄起潮霉，即在楼房，其附墙之器具，亦难避免，须交秋后，湿度自减。

民37《隆县山志》

隆山（马山）地居温带而偏于热带，每届春分节后，温度常高，入秋则渐低，至冬至后更低，故冬季种植，常少收成。

民37《隆山县志》

隆山（马山）每交春季，细雨连绵，夏则大雨，或至大水暴涨，酿成灾害，入秋后细雨，间或亦有大雨，冬亦细雨，于东、西、南部各乡，由农历十月以后，亦有微霜，惟东北部石山诸乡，每至大寒，天或霏雪，其数量多寡，与时间之久暂不一，通常不过三、五日，即暂消溶，民国以来积雪最多、时最久者，为民国五年农历十二月初五至十四日，地面雪厚寸余；民国十九年正月十四至二月初三日，也雨雪连绵，山驱腊象，河午艮蛇，檐溜结成良练，缸水凝成冰块。然大雪之后，年成必丰，故有“冬天大雪白，来年谷多得”之谚。所谓“雪兆丰年”也。

民37《隆山县志》

隆山（马山）春多东南风，夏多南风，或亦间有北风，惟偶转北风则必雨，秋则西风，冬则北风或东北风。近十年来气候变迁无后当态（按：此句疑有错漏。），冬或竟多南风，至夏秋及秋冬之交，间或亦有飓风，风力颇大，摧树倾屋，时有所闻。若夏迁东风则苗必遭虫害，西风至而虫始死，此老农之经验也。

隆安县僻在南宁之西，地虽炎荒，山多阴藹，故常兼四时气候，四、五、六月，岚瘴为疟，人多热病。立夏后，始得耕种，凡五谷类，岁始一收。霜雪间有，惟冰未尝见。

明·嘉靖《南宁府志》

（按：康熙、道光增补乾隆府志
著录同）

隆安。地近热带，冬天有霜无雪，春分后天气渐暖，夏时多霰雹，玉米往往受害。

民23《隆安县志》

隆安。一岁之中，寒少热多，正月阳气即蒸，五月天气溽暑，六月热炎盛，七月立秋后暑气渐杀，八月白露后稍臻凉爽，九月寒露后，夜间甚凉，十一月朔风颇冷，草木凋零，十二月天多阴霰，可以围炉着裘。

民23《隆安县志》

左州（崇左）……地极南偏，气候殊异。……四时常花，三冬不雪，一岁之内，暑热过中，人居其间，气多上升，肤多出汗……晨昏多雾，一日之间，蒸湿过半；盛夏连雨，即复凄寒。……

清·康熙《左州志》

太平（崇左）僻处炎荒，气候与中土迥异，正、二月间天气晴暖，土人即袒裼科跣，二月内竟有与中土伏天相似者，四、五、六月，湿热之气，炎炎热热，房帷几案间，俨如岚雾，薰蒸逼人，不可向迳。秋月溽暑更甚，绝无清凉之气。冬天亦煦燠居多，从无霜雪，草木干枯解凋。惟风雨连朝，积阴成寒，则不拘时令，谚曰“四时皆似夏，一雨便成冬”，信然。余谓气之寒燠，视乎日之远近，日近则燠，日远则寒，理固然也。冬月日行南陆，粤西与日较近，常考夏至时，京师昼长六刻余分，夜短六刻余分。冬至时粤西而昼长六刻余分，夜短六刻余分，此则近远之明征矣。太平距桂林千有余里，为粤西极南之地，冬月与日更近，宜其穹腊之际，少寒而多燠也。……

清·雍正《太平府志》

左州（崇左）气候，乍寒乍热，最难调摄。

清·雍正《广西通志》

太平府（崇左）为粤西极边，地愈卑土愈薄，湿燥尤甚。

清·雍正《广西通志》

太平叠嶂连岗，荆茅丛杂，山气逼郁，地近日南（按：今越南顺化一带），四时皆热，时或阴雾四塞，厉风透肌，瘴雨蛮烟，晦明倏异。

清·嘉庆《广西通志》录《太平府册》

（按：《太平府册》我馆未入藏，出版时代不详。）

崇善（崇左）地卑土薄，四时皆燥，春夏淫雨，一日之内，气候屡变，昼热夜寒，易发瘴毒。

清·嘉庆《广西通志》录《崇善县志》

（按此《崇善县志》我馆缺藏，出版时代不详。）

崇善（崇左）分野在翼轸，古义和平秩南訛所宅，气候温暖，全年平均温度多在华氏表七十度，摄氏表二十一度之上，最热时为华氏表一〇三度，最寒为华氏四十度间。但逢阴雨，虽夏亦秋；若值晴暄，虽冬亦夏。全县无大森林吸收储蓄水量，故常患旱潦之灾。地多山岩，春夏之际，时发瘴气，稍不检点，易感疾病。……

民国《崇善县志》

新宁州（扶绥）处南炎之末，时令不常（按道光增乾隆本无此句），岚瘴多有（按道光增乾隆本为“岚瘴时有”），三冬并无冰雪（按道光增乾隆本为“三冬冰雪罕见”），四季木叶青葱，自春徂冬，阴多阳少，蒸湿强半，夏雨即凉，寻热即暑，冬阳即暖，寻风即寒，一日之间，而四时俱备，未可以节序定凉燥也。

清·康熙《南宁府志》

永康（扶绥）粤西极边，深山密林，气候多乖，四时不和，阴阳失正，人居其间，四肢沈倦，百病俱生，时有岚瘴，水多寒削。

清·嘉庆《广西通志》录《永康州志》

（按：《永康州志》我馆缺藏，出版时代不详）

忠州土州（扶绥）山高水小，土燥气偏，未逢春花木先发，一经秋草叶即枯，乍雨乍晴，暑多寒少，瘴疠瘟疫之侵，山魑野魅之触，近虽稍平，不能尽绝。

清·道光增乾隆《南宁府志》

同正（扶绥）冷暖无定时，惟二月有木叶之冷，在木叶初发生之候，有惊蛰之冷，甚则老牛多冻死；有虾蟆之冷，当其入水洒子必甚热，出水则必骤冷，如是约有三次，……过此，则冷渐少矣。其最热时多在三伏处暑之间，谓之争秋，则汗流浹背，坐卧不宁；至于冬月，无冰雪之冻结，间有凝霜盈寸者，亦不多见；非凄风苦雨，不必裘裘；若晴日煊温，当可单衣也。当极热之时，华氏表不过九十余度，极冷时华氏表亦不过四十余度。风雨亦难一定。……

民21《同正县志》

同正（扶绥）处热带之北，始入温带一度，是以暑多寒少，然亦有不尽然者；每当烈日炎蒸，黑云忽起，大雨沛然，乃如凉秋；若天高严寒，夜霜凝瓦，昼转晴燥，有如阳春。……

民21《同正县志》

同正（扶绥）多山岭，湿热之气，往往晨起晴明，忽而浮雾四塞，咫尺莫辨，其气辛鼻，日渐高则收散无迹，是日必增炎热，此后牲畜或多瘟疫，人感之亦多生病。当四、五月人感冒暑湿，郁为痧症，使人四肢沉困，倦于行坐，此所谓黄梅瘴也。至九、十月则天气收敛，亦每变为疟疾，寒热往来，或绵延至年余不愈，此则所谓新禾瘴也。

民21《同正县志》

宁明周环土司及交趾境，岚瘴之地，水能泻人。

清·嘉庆《广西通志》录《宁明州册》

（按：《宁明州册》我馆缺藏，出版时代不详。）

宁明。一月之中气候不同，或大寒而骤热，或大热而骤寒，即一日之间亦多如此，俗所以有“急脱急著”之说也。

清·光绪《宁明州志》

宁明四季多暖，冬无冰雪，雨后则凉，昔人所谓“四时无落叶，一雨便成秋”也。然叶非不落，但或先或后，不一律耳。间岁亦有严寒者，或新春反寒于三冬者。……

清·光绪《宁明州志》

明江（宁明）县属地近热带，四季多暖，冬无冰雪，雨后则凉，五、六、七月盛暑。……

民国《明江县志》

思乐（宁明）气候，每年自国历十二月起，至次年二月，平均温度皆在华氏五十度以下，而常年平均温度，皆在华氏六十度以上。至最高温度且有华氏七十度或八十度以上者，然每年自十二月至次年二月，虽无冰雪，而气候亦甚严寒，故五谷之生植，除特殊之冬季，杂粮如三角麦冬谷外，余皆容易长成；惟自三月至十一月，平均温度，皆在华氏六十度，适于五谷之种植，故水稻常有两造之收成，杂粮亦甚丰植，四季不凋之树木，随处皆有。但一日之中，气候不同，寒燠各异，即一日之间，亦多如此。谚云：“四时皆是夏，一雨便成冬”。信然。……

民37《思乐县志》

上映土州（天等）多深山密林，春夏岚烟四塞，瘴疠时行，耕获颇迟，与向武同。

清·乾隆《镇安府志》

都康土州（天等）瘴雾最重，四时皆然，迂雨则寒，天晴即热，收获亦迟。

清·乾隆《镇安府志》

向武土州（天等）山高雾重，多寒少暑，春夏耕耘，九十月间始收获。

清·乾隆《镇安府志》

下雷土州（大新）地处极边，深林密茂，瘴疠时有，五、六月尤甚，岁时恒暑，惟阴雨则寒。稻分二种，十一月（按：疑有误）插秧，六月登场为早禾，五月插秧九月收获为晚禾。

清·乾隆《镇安府志》

养利（大新）地近交趾，山多岚瘴，春夏水涨，有虫蛇草木之毒伤人。《养利州志》养利在万山中，多岚雾，涧水寒削，春夏饮之，有胀泻呕吐之患，寒暑不时，冷风袭人，与黄茅郁热，皆为瘴疠。《养利府册》

清·嘉庆《广西通志》录《养利州志》，《养利府册》

（按：《养利州志》及《养利府册》
我馆缺藏，出版时代不详。）

雷平（大新）气候，三伏天较热，大寒前稍冷。其天气奇变，迺寒迺暑，年虽或数见，但时间甚短。亦不见如何感觉不适。每年平均温度，常在摄氏二十度左右，普通每年最高温度为三十二度，最低温为四度。

民35《雷平县志》

雷平（大新）位居北纬二二·三五度，属南温带范围，受海洋风之影响，故终年多温暖，甚少凛寒。又以本县城西南有匏山横断，故南风少而北风多。据测候站报告，春多北风，夏多东风、南风或东南风，秋冬则多北风或东北风。

民35《雷平县志》

雷平（大新）山川湿热郁为瘴疠，人或中之多生疾病。夏季较热，华氏达九十八度。冬季寒时，有降低至三十五度者。夏秋之交，雨量较多，时而淫雨，潦水为殃，常有危害农作物之虞。而冬季少雨，时降寒霜。

民35《雷平县志》

龙州四时皆如春夏，晴热雨凉，溪水饮之，易生疾病，夏秋瘴甚，春冬稍和。